



"Ko oslobodi svoj partnerski dio u robu, a ima još imovine koja doseže cijenu roba, odredit će se pravedna vrijednost roba i on će svojim partnerima dati njihove udjele, a rob će biti oslobođen. A ako ne bude imao imovine, oslobađa se samo onaj dio koji je oslobodio."

Abdullah b. Omer, radijallahu anhuma, prenosi da je Allahov Poslanik, sallallahu alejhi ve sellem, rekao: "Ko oslobodi svoj partnerski dio u robu, a ima još imovine koja doseže cijenu roba, odredit će se pravedna vrijednost roba i on će svojim partnerima dati njihove udjele, a rob će biti oslobođen. A ako ne bude imao imovine, oslobađa se samo onaj dio koji je oslobodio."

[Vjerodostojan] [Muttefekun alejh]

Ko ima sudioništvo, pa makar i mali udio, u vlasništvu roba ili robinje, pa oslobodi taj dio, njegov udio samim oslobađanjem postaje slobodan. Ako je onaj ko je oslobodio svoj dio imućan, tako da može dati protivvrijednost udjela svog partnera, onda će se rob osloboditi u cijelosti, tj. udio onoga ko oslobađa i udio njegovog partnera. Zatim će se procijeniti vrijednost udjela partnera prema tržišnoj cijeni i dat će mu se naknada. Ako pak nije bogat, tj. ne posjeduje vrijednost partnerovog udjela u robu, neće oštetiti svog partnera, nego će osloboditi samo svoj dio, a udio partnera ostaje u njegovom vlasništvu.

<https://sunnah.global/hadeeth/bs/show/2992>

